

spricht alz vmb torme torflüffel vnnnd sloz dy wir vnſin  
 alden hern euwin vatic geantwirt habin daz habe wir  
 getan vnnnd ſyn dy dy is in wedirſefickheit ny yn mut noch  
 gedankin gehad habin euch vor zcu halden Sundir wen  
 euwer gnade zcu vnſ komen were alleyne addir mit euwin  
 howe geſynde addir euwin hoptman zcu vnſ geſant hete  
 tin wir weldin ſy euch wiliclichin geantwert habin vnnnd  
 ſollit keyn vngheorſam an vnſ ny irfunden habin vnnnd  
 hettet ſulcher grufam beſchickunge dy ir ikunt kegin vnſ  
 getan habet nicht dorft vor haben. wir antwortin em  
 torme tore fluffele vnnnd sloz do beſtalte her torme tor mit  
 ſynen mannen, wir arme lute ſtundin dy wile in groſem  
 betrupniſſe, do herſ beſtalt hotte mit ſynen willen do  
 ſprach her abir zcu vnſ is iſt wiſſintlich vnnnd lautfun-  
 dig daz dy von Stettin vnſer offinbar ſyend ſeyn vnd wir wed-  
 direrer offinbar ſyend ſeyn nw ſagin ſy ſich nach deme kouffe  
 den vnſer beidir fetter vmb diz land getan habin ekliche  
 gerechtickeit an euch zcu vnnnd meynen ekliche gerechtickeit an  
 euch zcu habin. nw wil ich en thun zo ich werſte mag vnnnd  
 wil en derſelben gerechtickeit dy ſy an euch meynen zcu  
 haben entweren vnnnd wil mich ir geweren vnnnd will yn  
 deme abe ſchache nicht lenger ſitzen vnnnd wil daz ir mir  
 eyne erbhuldunge thun ſollet. do ſprache wir weddir liebir  
 herre wir getruwin euwir gnadin dy feide dy ir mit deme  
 von Stettin vor habet daz ir euch kegin en alzo wert ge-  
 bruchen vnnnd vorhabin daz irſ mit vnſ armen lwten nicht  
 wert begynnen addir dorchdringen wen ir wol wiſt daz wir  
 derſelbin feiden vnmogelich entgelden vnnnd ouch wol wiſt  
 daz vnſer alder herre euwir fater zcu vnſ ſprach myne  
 liebin getreuwen Ich bitte euch Betlichen vnnnd bat vnnnd  
 geböt vnſ an dy von Stettin vnſ zcu halden vnnnd  
 en vnnnd eren Erben erblich zcu hulden vnnnd zcu ſweren  
 wen wo wir daz nicht tetin daz wer eyn ding daz her  
 vnnnd ſyne finder nummermer vor wynnen muchten vnnnd  
 wirſ doch vngerne tetin vnnnd lange nicht thun wolden,  
 liebir herre ſint der zeit daz wir mit bethe vnnnd gebeiß